


KUNANIKWA

 Ngu Leza, kwa mana. Walo nkwalikoonse. Mwabona? Uli koonse. Nda kayeeya buyo kuti inga Nda cisiya kacaanzikidwe a kubona obo mbo cakajata, nywebo mulizi. Ngu uulikokoonse. Wa. . . Eco ci Mu bamba kuba Leza, nkaambo ngu Leza alikke ngu konzya kuba uulikokoonse. Aboobo Wa kati, “I Mwana wa muntu oyo lino uliku Julu.” Mwabona? “Taakwe muntu wakatanta kujulu, pele Oyo wakaseluka kuzwa ku Julu, akwalo Mwana wa muntu uuli ku Julu.” Ngooyo Mbwa kabede, kaimvwi atala lya ng’anda, nekuba ku Julu. Mwabona? Ngu ulikokoonse, oko ku Mu bamba kuba Leza. Eco nce cintu cilikke nco cikonzya kuba, ulikokoonse, ngu Leza.

² Lino, sunumasiku, Ndi jisi buyo nciconya cibeela ca mulumbe mubotu wa Mukwesu Neville ku mbungano. I Mwami amu cileleke a kuyungizya kuli ncico. Elyo, mwabona, wa kamusiya kalengelela awo, aa kuyeeya. Eco ncibotu. Amubikke eco mu moyo wanu, ciindi coonse.

³ Elyo lino, tu yooba a mulalilo sunumasiku. Elyo nce ciindi toonse no tubotelwa, Ndili masimpe. Ndi yeeya kuti nkubotelwa kwa moyo wa Bunakristo, nku ziba kuti uboola kubamba mulao kuti Jesu waka tusiya. Kuli milao yobilo eyo Jesu nja katusiila, zintu zyobilo zyakucita. Umwi wabo mulimo wa mulalilo, a umbi ndubbizyo lwa maanzi. Kunzelyaboobo, kwiina “kuguma, jatauka,” taakwe cintu cimbi cisyeede muli ncico, mwabona, taakwe kulipa kwa kuusa akuyavula ku mazwi ako, ayonse eyi imbi misyobo ya zintu. Lwalo—lwalo ndubbizyo buyo lwa maanzi a mulalilo. Aboobo lyonse tula kkomana kusika kuli ceeci.

⁴ Nda syoma Bbaibbele lyakati, “Ulacoolwe oyo ucita milao Yakwe, bali jisi nguzu zya kunjila mu Samu lya Buumi, nkambo mu Munzi, Munzi Uusalala; nkambo kakutakwe babwa, basibwaamu, abamwi bambi, abo beelede kutandwa.”

⁵ A limwi mpawo mulimo wa mulalilo lyonse ngwa mulao ncobeni, nkaambo utuleta kukazekeleo, mwabona, mbuli mbo tuyo bala mu kaindi kaniini, mu Lugwalo.

⁶ Tu jisi Mukwesu Brown ukkede awa, sunumasiku, Mukwesu Dauch, a Mukwesu Brown, a Mukwesu McKinney. Nse konzyi kuyeeya mazina a bakwesu bamwi bakkede alya. Pele tuli kkomene kuba ambabo kuzwa kutala mu Ohio. Nda bona Mukwesu Pat Tyler okuno, a Mukwesu Stricker kusule okuya, bakutausi ba Makanimabotu, bali kusule lyangu. Mukwesu Collins, awalo, a Mukwesu Hickerson.

⁷ Lino, Mukwesu Stricker, uli buti munwe wa mukaintu? Ucita kabotu. Uh-huh. Waa kajisi ntenda, a kundiita busiku

bumwi. Elyo ciindi Ne njila, kuzwa ku kutuminwa kumbi, kwali kutandila twelufu, wani okuloko, elyo tii Nda kamutumina ku ciindi eco; cifumo cakacilila. Wa kali kusuma akumbi kumwi, kayasa nyeleti kubbila mu maanza akwe, akudyaminina ku cifuwa na cimwi cimbi. Elyo waa kasola ku cisomona mbuli *boobu*, kuzwa ku muncina wa kusumya, muncini wa nguzu. Elyo, kusola ku cisomona, ku cityola munzila *eyi*. Elyo kasola ku cijana a meno akwe, mulindu muniini, kusola ku li kwela, a ndilyo, lyaka li pasaula kuzwa ku busena bumwi, mu janza lyakwe.

⁸ Elyo waa kati, “Komba buyo nkabela ciyooba kabotu.” Nda luyanda olo lusyomo lwini, kujatilila awo ku kasena ako. Nda cibotelwa eco. Mucizi Stricker walo Munakristo muniini mubotu, alimwi Nse mubwene awa sunumasiku, aboobo inga Nda ambaula buyo kujatikizya nguwe. Sa walo? Oh, ee, ncibotu Nda zumanana zii. Uli waano, awalo. Yaa. Ee, tu yeeya kuti mbobede, nekuba, Mucizi Stricker.

⁹ Lino, Mukwesu McKinney wa lombwa, Nda syoma, okuno ciindi cimwi cainda, kuti . . . Twa usa. Billy Paul waka ndiyeezya buyo ncico, oko kwa kunanikwa, na bumbi, kunanikwa kwa Lugwalo kuzwa ku cikombelo. Sa mbo mbubo, Mukwesu McKinney? Sena Nda cimvwisya kabotu? Lino, laisensi yayo yapegwa.

¹⁰ Lino, cifumo cino, Nse zyi kuti Ndali kuno kanana. Pele kumane kuboola okuno, a mukwesu wesu okuno, kazwide luzyalo a luyandisyo, waka ndilomba kuboola a kukanana. Elyo twa kaleta mbungano mboya kabede, a lubbizyo lwa Muuya Uusalala mbo lwakabede, alimwi nguni Uli jisi, alimwi nguni uta Ujisi, aboobo mbobuti mbo ziba cindi wa Utambula. Mwabona? Aboobo, ikuti na toka jana Mulumbe, mpawo balombe, bali jisi mateepu okuya, ayo akonzya kuunka ku mbungano yesu, nkaambo ni Njiisyo ini, lweendo loonse do.

¹¹ Elyo mpawo Nda kaamba kaambo aka, kuti, kwiina zintu zili boobo mbuli tubungwe twa Mbungano. Kwiina cintu cili boobo. Ngu tubungwe twa cisangabalilo. Yebo uzyalwa buyo mu Mbungano. Elyo cindi muntuumwi aamba kuti, “Ndili muna Presbyteria,” uzulilwa ku cisangabalilo ca Presbyteria. Mwabona? Nkaambo wazyalwa. . . “Ndili muna Baptisti.” Uzulilwa ku cisangabalilo ca Baptisti, kutali Mbungano ya Baptisti. Kwiina cintu cili boobo. Elyo twa kacijosya ncobeni, a kujana mu Bbaibbele, kuti akwalo kwaamba cintu cili boobo nkusanka. Mbo mbubo. Amu cibale kuzwa ku malembe mataanzi kuzwa ku Emphatic Diaglotti, kuti Bbaibbele lya kati i. . . kuti ezi nguzu, zitegwa mbungano, “iizwide mazina aabusapi.” Mwabona? Kabaliita lwabo kuti Banakristo a kulibikka lwabo mbuli Banakristo, a kupona buyo musyobo uli oonse wa buumi. Mwabona? Elyo cakeendelana ncobeni a ciloto eco mucizi omuno mu mbungano nca jisi, eco nco twa

pandulula awa cifumo cino. Lino, ziindi zya Bbaibbele, nzila mbo bakasala mukatausi, wakali kwiinda mukuziba cipego ca Leza mu mukatausi oyu, mulimo.

¹² Mpe mpawo Mpe yeeya kuti Musalali wesu wa buzuba Bwamamanino. . . Na, kutali Musalali wa buzuba Bwamamanino. Mundi jatile. Babunyina ba mvula ncaalizi, baka lubizya kuyoosya kwiinda ku kubikka maanza a kwaamba, “Twa kupa cipego ca kuponya. Twa kupa cipego ca businsimi.” Takukwe cintu cili boobo.

¹³ “Zipego a kwiitwa tazi lekeki.” Leza ulapa. “Leza wakabikka mu Mbungano baapostolo, basinsimi,” a bamwi. Mwabona? Kwiina cintu cili boobo mbuli muntu omwe kapa umwi umbi cipego. Zipego zizwa kuli Leza, alimwi Leza alikke.

¹⁴ Elyo kuboola mu Mbungano, mula zyalwa muli Njiyo. Taakwe nzila imbi yakunjila muli Njiyo. Elyo mpawo uli cizo ca mukwasyi, a wa Leza, mukuba mwana mulombe a musimbi iwa Leza. Kutali kabunga, pele ii—ii cizo ca mukwasyi.

¹⁵ Lino, mu ziindi zya Bbaibbele, mbuli mbwa amba, bala bweza Lugwalo okuya cindi Paulo nakati kuli Timoteo kuti wa kajisi cipego caku kutaokila.

¹⁶ “Ee,” wa kati, “uzwa kuli banene Loisi. Mwabona? Eci cipego cakazwa kuli banyinakulu Loisi wakapegwa kuli nguwe.”

¹⁷ Ba kabona muli nguwe, mukuba Munakristo usinizizye, awalo, cipego ca kukanana. Elyo baka bikka maanza ali nguwe, mbuli kuzuminina. I baalu ba mbungano baka bikka maanza ali nguwe, kuzuminina muntu oyu; a kubikka mulimo wa buapostolo, wa kubikka maanza ali nguwe, kuti uyo unka kuyo kambauka Makanimabotu. Katuma, kwiinda ku bumboni bwa bakwesu aba, kuti bakasyoma kuti cipego ca Leza cakali kubeleka muli nguwe. Eyo nje nzila mboba kacita abalo ku bakatausi, kwiinda ku kubikka maanza, a kupa janza lyalulyo lya luswaanano; kuti, kubeleka antoomwe, mbuli kuzuminana kumbele lya Leza, kuti bakabona cipego kacibeleka mu mukwesu oyu, kuti wa kaitilwa cintucimwi. “Elyo twa kacisyoma.” Elyo baka bikka maanza ali nguwe, kuti Leza uyo mulongezya. Elyo kwakali kuzumizya kwamulao.

¹⁸ Mbuli buyo Mbwe taka konzya kuba. . . Muntu umwi lyoonse waka nditamikizya, kwiinda mukuba “Jesu Buyo.” Jesu buyo, mu lubbizyo, kubelesya Zina lya “Jesu Kristo,” Nda zuminana ncobeni a ceeco. Pele cindi wa bbizigwa “ku kuzyalululwa,” Nse konzyi kusyoma eco, kuti maanzi ala jatila zibi. Peepe. Nda syoma Bulowa bwa Jesu Kristo bula lungila zibi. Aboobo, kutali lubapatizyo ku kuzyalululwa, pele lubapatizyo ku kulyaambilila. Lubbizyo lwako nku lyaambilila kwako, kuti ula syoma, kuti oyu mulimo wamukati wa luzyalo waka citwa.

¹⁹ Nkikaako, Ndi inka a bantu ba Baptisti cindi baamba kuti, kuboola mu mbungano ya Baptisti, ko bamba kulyaambilila

kwako, kubbizigwa mu i . . . mu mbungano yabo. Eco inga caba kabotu, kuciimo mbuli mbo bapatizigwa mu mbungano eyo, obo buzumini bwa Baptisti.

Pele, lino, kuboola muli Kristo, ula bbizigwa ku Muuya Uusalala, kuzyalululwa.

²⁰ Mpawo cindi waboola ku mbungano, cintu buyo olo lubapatizyo nco lucita, bwalo buyo ii . . . mbumboni mbo syoma kuti—kuti Kristo wakafwa a kubuka alubo, buzuba bwatatu. Elyo waka Mu tambula mbuli Mufutuli wako wacigaminina, nkabela uli fwide limbi ku zintu zya inyika. Kutondezya ku inyika kuti wafwa a Nguwe, alimwi wa kabuka a Nguwe mu bubuke. Nkutondezegwa kwaanze kuti mulimo wamukati wa luzyalo waka citwa. Ta cikwe cintu cakucita a kukupa lufutuko, nkaambo Bulowa bwa Jesu Kristo . . . Cintu buyo nco keelede kucita, buyo, kwaamba, ko zumanana a kubapatizigwa, nkabela Jesu taka konzya kufwa. Ca katola lufu kuleta Buumi, lyoonse.

²¹ Nkaambo, tu ponena buyo ku lufu. Kufumbwa cintu cikonzya buyo kuponena ku lufu. Cintu cifwide nceeco nco tuponena, cindi twa lya. Buzuba abuzuba ulalya, cintucimwi ceelede kufwida nduwe kupona, kunyama. “Ee,” yebo wati, “Ta ndilyi nyama.” Ee, Ta ndikwe makani eco ncolya, yebo . . . cintucimwi cakafwa. Mbo mbubo. Wa kalya magwili, wa kafwa. Wa kalya ka beela, wa kafwa. Wa kalya cinkwa, whiiti yakafwa, mapopwe akafwa, kufumbwa mbo cakabede. Ciimo cimwi ca buumi cilafwa, nkaambo uponena biyo ku cintu cifwide.

²² Elyo mpawo ikuti na weelede kupona, kunyama, ku cintu cifwide, nkunji buti nko cakatola cintucimwi cakafwa, kutegwa ukonzye kupona Cabutamani? Kristo wakafwa, kuti muntu inga waponena alubo. Elyo eco cijisi biyo Buumi, cili muli Kristo.

²³ Lino, oku kutondezegwa kwaanze. Elyo tula bona Mukwesu McKinney, uuli mukutausi wa Methodisti wakasalwa, oyo wakabona Mumuni wa Makanimabotu aazwide. Tula musyoma, mukwesu mubotu, ujisi mukwasyi mubotu. Elyo wa kaboola kuli ndiswe. Elyo uli mukusola kujatilila nkamu niini antoomwe, omuya mu—mu Ohio, a Mukwesu a Mucizi Dauch, a bamwi bakwesu okuya. Elyo tula muyanda awa. Elyo tula musyoma kuba muntu wakaitwa aa Leza. Aboobo, mbuli mbo twa cacita ku Mukwesu Jim Sink, ku Mukwesu Graham Snelling, ku Mukwesu Junior Jackson, ku Mukwesu Willard Crase, kuli umwi aumwi ngo twa tuma kuzwa awa, twa baleta kumbele lya mbunga eyi, kupa bumboni obu, mbuli ciyanza mbuli mbo kamvwa. Kubikka maanza ali mbabo, kuti tula syoma kuti baitwa aa Leza, a kupa kuzumizya kwesu kuli ncico, a kulomba zilongezyo zya Leza kuunka a mbabo.

²⁴ Mula jana cintucimwi candeene mukati, kuzwa mu Bbaibbele; ikuti na mwacita, ciyo zwa mu Bbaibbele. Eyo nje nzila ncobeni mboba kacicita mu ciindi ca Bbaibbele,

kwakali kubikka maanza ali mbabo, mu kunanikwa. Ba kabikka maanza ali bamadaikona a kuba bikka mu mbungano. Zintuzyonse zyakali kwiinda ku kubikkwa kwa maanza, kutali kusaina cikama ca mapepa a kusangana kayanza kamwi kabuzumini, na cintucimwi mbuli ceeco. Ba kabikka maanza, a ku mwaangulula mu Muuya Uusalala, ku mulekela kuunka. Ameni. Leza amusololele munzila Nja yanda. Kwa mana. Eyo, nje nzila mbo tusyoma mu kucicita.

²⁵ Mukwesu McKinney, tuli kkomene, sunumasiku, ku kubona kuboola nzila njo boola. Elyo cintu eco ncosola kucita, ku manizya cintucimwi ca Kristo.

²⁶ Elyo ta tulondokede mbungano iili yoonse, kufumbwa cizo ca mbungano iili yoonse, Methodist, Baptisti, Presbyteria, Katolika, kufumbwa mbo cinga caba. Tu syoma kuti Muuya wa Leza ula beleka a mugame. Elyo mu mbungano yoonse kuli Banakristo, moonse mu inyika ya mbungano yoonse, abo baitwa obo, sunu. Nda syoma kuli ba Methodist, ba Baptisti, Mwaalu, ba Lutherani, abo bayanda Leza. Elyo cintu buyo eco nco bazi kujatikizya Nguwe, bala pona muni loko mbuli mbo bakonzya, muni loko mbuli mbo bazi, na kuyiisigwa kupona. Bantu bamwi bayeeya kuti koonse nko beelede kucita nkubikka buyo mazina abo mu bbuku, a kusangana mbungano, nku koonse nkoba yandikana kucita. Banyina bakali kuzulilwa ku mbungano imwi. Bawisi bakali kuzulilwa ku mbungano imwi. Ee, eco, mwabona, nku koonse nko bazi kucita.

²⁷ Pele Jesu wakaambila mweendelezi oyu waba Juda, cifumo cino, “Muntu nata zyalululwa ta konzyi akwalo kubona Bwami bwa Leza,” takukwe makani obo mbungano nkozulilwa. Elyo Wa kati, kaambaula kujatikizya Kuzyalwa kupya.

²⁸ Wa kati, “Mebo, mudaala, kunjila mwida lya banyina, a zimwi zimbi, amu zyalululwa?”

Wa kati, “Nduwe simalela mu Israyeli, nkabela tozi zintu ezi?”

²⁹ Mwabona na nzila inyika ya bukombi mboi bunganya akuwipilinganya, mane yaba nkamu ya tuyanza twabuzumini? Olo lwiiyo lwakabambwa aabantu luli mu zintu zya kumuuya. Alimwi zintu zya kumuuya ziya kulipambula kuzwa kuli ndulo, ciindi conse. Yebo, mbuli kaambyo kakaindi mbo kabede, to konzyi kusanganya mafuta a maanzi. Ta cika sangani buya. Kwa mana. Takukwe, takukwe tuntu omuya tuya kusangana.

³⁰ Elyo nje nzila mboibede lino. Tu syoma kuti Muuya Uusalala wiita bantu. I Muuya Uusalala ula sala bantu. Takukwe makani, inga twa bikka maanza aa Mukwesu McKinney, na kufumbwa mukutausi umbi, oora a oora, buzuba boonse, a kumupa zipepa zilamfu nzya kali kukonzya kusaina, zikonke ku tuyanza twabuzumini, tacika citi cintu kuli nguwe. Pele, lekela Muuya Uusalala umuume, lomwe. Nce ncico. Eco cila cicita. Taakwe

muntu weelede ku mwaambila cintu cili coonse cimbi. Wa kaunka. Mwabona? Kwa mana. Elyo mpawo, cintu biyo nco tukonzya kucita, nduswaanano, cakuti tula ziba mukwesu wesu uli mu busena obo.

³¹ Leza aku longeze, Mukwesu McKinney. Uyo boola atala awa, kumbele, asyoonto buyo.

³² Mukwesu Neville, Mukwesu Collins, bakutausi, ikuti na uyanda kwiimina muni, inga twa botelwa kuli nduwe kusika atala awa, aniini buyo.

³³ Ikuti na uyo boola nzila eyi a kunyonena ku bbunga, Mukwesu McKinney, mpoonya mbuli obu *awa*.

³⁴ Mbangaye bazi Mukwesu McKinney, wa muswaana abusena awa? Mbangaye ba musyoma kuba muntu munaleza? Tambika janza lyako. Cilimasimpe.

³⁵ Tuli kkomene, sunumasiku, Mukwesu McKinney, mbuli mbo twiimvwi ku mabazu anu awa, muni lyanu, a mbunga eyi, kuziba kuti mwaka tambula i—i luswaanano lwa kukambauka kwa Makanimabotu azwide; kuti uli kanzide, kwiinda ku luzyalo lwa Leza, kujatilila celesyo ca Bbaibbele. Kakutakwe kulanganya eco kufumbwa cintu nco caamba kujatikizya Ndilyo, kobweza kwiima kwako aa Ijwi Litamani lya Leza. Alimwi mpawo takukwe makani kabunga mbo kasola kuli Tandila mu mabazu, koimikila buyo mbubonya mbo Li lembedwe. Amu kkale ncobeni a Ndilyo. Eyo nje nzila. Eyo nje nzila mbo tusyoma awa, embo na? Boonse ba Ci syoma mu nzila eyo. Akube kuti luzyalo lwa Leza lube a ndinywe lyonse.

³⁶ Lino, amukombe mupailo wanu wini, mu nzila eyo Leza njayo bweza mukwesu wesu.

³⁷ Nkambo, Mimuni yaku mangolezya ilamweka, nkabela zuba lilabbila cakufwambaana. I Kuboola kwa Kristo kuli afwaafwi. Mupailo wangu wakusinizya ngwa kuti Leza uyo nyonyoona buntu bwa mulombe oyu a lubbizyo luli boobo lwa Muuya, a kunanikwa, bayo unka okuya a kuvuna makumi aa zyuulu zya bantu, kakutanaba Kuboola kwa Mwami. Leza ulizi kuti tula muyanda mu mulimo.

³⁸ Tu yanda kuti uzibe, Mukwesu McKinney, mbuli mbungano eyi a nkamu eyi ya bantu awa. Ii mbungano ni nkamu ya bantu babungene antoomwe, kakutakwe kabunga. Eco tacibambi muntu omwe okuno, konzyi kuba nkaambo waboola okuno, na mbungano imwi imbi, inga yakubamba kuba membala. Kuli nzila yomwe biyo ya kuba cizo ca Mubili wa Kristo, nkuti, wazyalwa muli Nguwo, kwiinda ku Muuya Uusalala. Elyo tula syoma kuti mukwesu wesu wazyalwa mu Mubili oyu, ujisi kwiitwa aa buumi bwakwe ku kambauka Makanimabotu. Tuli bakamboni ba ceeci, sunumasiku, kuti tuli kunze lyako, a mupailo wesu. Leza akusololele, mukwesu wangu.

Atu kotamike mitwe yesu.

³⁹ Taata wesu Wakujulu, cipa buyo buntu bwangu cindi Nda bona i—i mukutausi keenda kumbele, kuziba Makanimabotu aazwide. Kuti Kristo wakati, majulu a nyika ziyo loba, pele Ijwi Lyakwe tali kakakilwi. Mpawo tula bona, Wa kaamba akwalo kuti, cindi Wa kumana kulemba Bbuku, “Kufumbwa muntu uyo yungizya ijwi lyomwe ku Bbuku eli, na kugwisya kufumbwa cintu kuzwa kuli Ndilyo, nguonya uyo gusigwa (kuzwa ku cibeela cakwe) ca Bbuku lya Buumi.”

⁴⁰ Mukwesu wesu McKinney wakabona Eci. Elyo mu nkamu ya bakwesu, oko nkwa kali kuba aluswaanano, wa kaleta Bwini obo mbwa kabona mu Lugwalo. Taakwe muntu wakali kukonzya ku Ci kazya, pele nekubaboobo kabunga tii kakakonzya kulekela Ceeco. Aboobo ula bweza kusala kwakwe, ambweni kutobela eco muntu nca kaamba, na eco Leza nca kaamba. Leza, Nda—Nda Ku lumba ku kumupa camba ca kubweza eco Leza nca kaamba. Nkambo Bbaibbele lyakati, “Akube kuti ijwi lya muntu lyoonse libe bubeji, nkabela lya Leza libe Bwini.” Elyo uli kanzide kujata Eco.

⁴¹ Elyo kutondezya luswaanano lwesu a nguwe, na kwiima a nguwe mu masukusyo akwe, ku kutangala a nguwe mu luzundo lwakwe, tuli waano mbuli basilumamba antoomwe. I mweembeli wa cikombelo eci, a Ndime, kubikka maanza ali nguwe, mu Zina lya Jesu Kristo, kuti Uyo longezya mukwesu wesu. Ko mubamba kali muumi mu Muuya. Komuzuzya a nguzu, ku kambauka Makanimabotu. Kamupa zitondezyo a zigambyo zya kutobela mulimo wakwe. Elyo akube kuti abe cibelesyo mu janza Lyako, cakasalazigwa kuli Nduwe, mu mazuba aya akumamanino, ku kuvuna zyuulu zya bantu basweekede abo batuntulika mu mudima sunu. Ko cipa, Mwami. Oyu ngo mupailo wesu, a lusyomo lwesu mu mukwesu wesu, a kaanzambwene kesu a lusyomo muli Nduwe, kuti Uyo ingula mupailo wesu, ku oora eli, pati libulide mu mulimo wa mukwesu wesu. Mu Zina lya Jesu twa mutuma. Amen.

⁴² Leza aku longezye, Mukwesu McKinney. Elyo akube kuti luzyalo lwa Leza lukkalilile lyoonse a nduwe, a kukupa kuyandisya kusinizizye kwa moyo wako. Leza abe a nduwe.

⁴³ Oko nkunanikwa Nkwe zyi, kwa Bbaibbele, janza lyalulyo lya luswaanano. Boonse abo bapa Mukwesu McKinney janza lyalulyo lya luswaanano, mu mbungano eyi, tambika janza lyako. Mipailo yesu, lugwasyo lwesu, ku mugwasya kwiima aa cintu eco ca Ijwi Litamani lya Leza.

⁴⁴ Kwalo, “Oonse majulu a nyika ziyo loba, pele Uci noimvwi.” Nkaambo, “Ku matalikilo kwakali Ijwi, alimwi Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mubili wabuntu a kukkala akati kesu.”

45 I Ijwi lyakati, “Ndili Musaansa, nywebo muli mitabi.” Elyo Buumi mbubonya bwakali mu mutabi, mu Musaansa, bula duntaana mu Musaansa a kuleta Buumi mbubonya, a micelo njyonya, a milimo njyonya, a cintu nciconya. Ndi lizi kuti Mbwini, nkaambo Nda ka Bu bona kabuzulila. Ameni a ameni. Nda buyanda nzila eyo, mbotu yakaindi iya Makanimabotu. Iiyi, munene.

46 Lino ndiza ciindi ciya bumana aniini, kuya ku naini theeti, pele lino tu yooba a kuswaangana kwa mulalilo.

47 Lino, tu ciita kuti “mulalilo,” pele tauli mulalilo. Mulalilo ngwa kwaambaula, kukwabana. *Kukwabana*, ndeelyo cindi twaima a kwaambaula ku Mwami, kukwabana. Pele, lino, eci citegwa “cilalilo ca Mwami.” Nda libuzya na mbangaye basyaasunu, abo bataambi kuti “cilalilo” limbi, a kuciita kuti “cisuusulo,” mbobuti mbo bayo beleka ceeco koonse? Mwabona? Uh-huh. Mwabona? Iiyi, munene. Ncilalilo ca Mwami. Tu syoma buyo Bbaibbele nzila mbo Lya amba.

48 Elyo tu yanda kuti muzibe, kuti Methodisti, Baptisti, Presbyteria, Lutherani, kufumbwa mbo mukonzya kuba, mwa tambwa, a mukwesu andiswe, ikuti na mwa kazyalwa ku Muuya wa Leza, kwiima awa, kalya mulalilo andiswe.

49 Tu soma kuti ezi ziiminina mubili wakakomonwa wa Jesu Kristo. Elyo tu syoma kuti Munakristo ulaangidwe ku bulizi bwaku cibweza. Tu syoma kuti muntu oyo uutaponi kabotu, oyo uboola a kuubweza, kakutakwe kupona kabotu, kulya a kunywa cakulibeteka kuli lwakwe, kutali kutweluka Mubili wa Mwami. Ako nkekaambo mabungano ayo aliita kuti Banakristo, aka janwa, mu Bbaibbele, “Kazwide mazina aabusapi.” Nywebo mwabona? Nkaambo, kulya mulalilo, a kuzwa a kupona musyobo uli oonse wa buumi, cileta cilebyo cipati kwiinda basikusambala makoko kunzaacuulu boonse abo baliko mu cisi coonse.

50 Mula bona sibwaamu mu kagwagwa, nywebo mulizi obo mbwa bedede. Amulange nzila mbwa lilemeka a madressi, muli muzyi. Pele Munakristo taelede kucita ceeco—ceeco. Ikuti na wabona ii—ii—ii—ii busena ansi awa, wati, “Cintoolo ca cipakete! Mawaini, whisky,” azimwi zimbi. Nywebo mulizi mbo cibede. Obo—obo mbo busena. Oko kuli kabotu. Kuzyana, bbola, azimwi zimbi, nywebo mulizi eco mbocibede. Pele ulangila bantu omuya kuti banywa, kuuma njuka, kubeja, kubba, zintuzyonse zimbi. Eco i—eco nce cizangala ca myuuya iitasalali.

51 Pele cindi wabona busena obo buli taminina kuba bana balombe abasimbi iba Leza. Kweenda omuya, a cintu citaanzi, kuba bona kaba kaka Lugwalo ndulonya, kweelela ii... nkaambo Ta ceeleli ku buzumini bwabo bwabukombi. Kuba bona kaba njila omuya, a kwaambaula kujatikizya mulimo wa Leza kucita cintucimwi, a ku ciseka. Ngooyo sikuupaupa. Inzya.

Eco nce cintu cibyaabi. Elyo kubona bantu kaba boola a kulya mulalilo, a kuunka nkoonya okuya mu kagwagwa a kupona mbubonya mbuli bamwi babo, eco ncilebyo cipati loko, cakuti okuya.

⁵² Nda kakambauka kuno, kutali ciindi cilamfu cainda, “I kutyompesegwa ku Lubeta.” Oyo sikusambala makoko kunzaacuulu taka tyompyi cindi na kamvwa kukosolwa kwakwe kwa kuya ku gehena. Ta kausigwi pe, naanka mubeji na mubbi. Pele umwi waka tyompwa uyooba umwi oyo wakali kuyeeya kuti wakali luleme. Oyo ngo nguwe. Kuli masimpe kunji kwa ncico. Tu lizi obo.

⁵³ Elyo Leza koba aluse ku buntu bwesu. Eci ncintucimwi eco cita konzyi kulizigwa. Ii mvwiki zisyoonto zyaında, kwakali umwi waka kkede awa akati kesu, muumi, mukwesu mubotu, Mukwesu Taylor. Uli mu Bulemu, sunumasiku, kanjila kwa ciindi buyo cisyoono. Elyo lino tu lizi kuti buzuba bumwi tuya kuunka, aboobo lino nciindi ca kupona kabotu. Lino nciindi.

⁵⁴ Elyo amuyeeye ciiyo ca cifumo cino? Ezi zyaubotu zyeedele kuba omuya Bbwelyansonje kalitana kusika ali ndilyo. Oh, inga woongolola. Inga waimba. Inga waamba mu myaambo, a kuzyana. Eco tacikwe cintu pe cakucita a ncico. Kusikila zintu ezi, zyaka tondezegwa Camalembe a kunamatikwa muli ndinywe, i Muuya Uusalala ulakunamatika mukati mbuli mugame, mpawo uli mwana mulombe a musimbi.

⁵⁵ Twa kamvwa bantu kaba kanana mu myaambo, abo bata kajisi Muuya Uusalala. Nywebo mulizi obo.

⁵⁶ Nda kamvwa balozi kabaamba mu myaambo. Bang’anga balaamba mu myaambo, a kunywa bulowa kuzwa ku kapompo kamutwe wamuntu, akwiitila dyabulosi. Iiyi, munene. Aboobo, nywebo, eco tacili. . . Nda kabona balozi, basimabibo, kubona ciindi penso niya kalede ansi, a kuzuza koonse akoonse ku paipi lya stoovu a kulizya oko “kugela a kugelwa,” a kulemba mu myaambo iitazizilwe. Elyo mulombwana kaimvwi alya, kagwala koonse akoonse, a kulemba, a kwaamba mbubonya eco cakali kwaamba. Lino, nywebo mulizi kuti tali Leza. Elyo mulizi zintu ezyo zyoonse.

⁵⁷ Aboobo kwaambaula mu myaambo ta caambi kuti uli—uli wa Leza. Kubeleka kwa maleele taku tondezyi kuti uli wa Leza.

⁵⁸ Calo ncintu, micelo ya Muuya, eyo itondezya kuti uli muli Leza, cindi wabona Buumi obo kabunamatikwa ku Muuya Uusalala.

Leza, acibe. Acibe ndiswe. Ikuti na twa kacita cibi, akube kuti Taata mupati Wakujulu atu jatile kuli ncico.

⁵⁹ Ndiyo bala amwi aa Lugwalo, eco Jesu nca kaamba kuli ndiswe kwiinda mu Muuya. Lino, Ndiyo cibala kuzwa ku cipati 11 ca Bakorinto Bataanzi. Elyo Ndiyo talikila aa kampango ka

23. “Nkambo Nda katambula ku Mwami . . .” Nda kanana lino mbuli Paulo mbwa kanana.

. . .Nda katambula kwa Mwami eco Nce pa acalo kuli ndinywe, Kuti Mwami Jesu busiku mbubonya . . .obo mbwa kaabwa wakabweza cinkwa:

Elyo cindi na kapa kulumba, wa ka cikomona, a kuti, Amubweze, a kulya: oyu mubili wangu, oyo wakomwedwa ndinywe: eci kamuno cita mu ciibalusyo cangu.

Kumane mu ciyanza nciconya acalo wa kabweza kanywido, elyo cindi na kanywa, kwaamba, Aka kalo i nkanywido ka cizuminano cipya mu bulowa bwangu: eci kamuno cita, kanji mbuli mbo mu kanywa, mu ciibalusyo cangu.

Nkambo kanji mbuli mbo mulya cinkwa eci, a kunywa kanywido aka, mu tondezya lufu lwa Mwami mane aka boole.

Nkikaako kufumbwa oyo uyoolya cinkwa eci, a kunywa kanywido aka ka Mwami, caku teelega, uyo zulwa ku mubili a i bulowa bwa Mwami.

Aboobo muntu alilingule mwini, elyo aboobo alye . . . i cinkwa, a kunywa . . . i kanywido.

Nkambo oyo uulya a kunywa caku teelega, ulalya a kunywa caculibeteka kuli lwakwe, kuta tweluka mubili wa Mwami.

Ku kaambo aka banji bali kompeme a kuciswa aakati kanu, . . .banji balafwa.

Nkambo ikuti na twa libeteka tobeni, ta tweelede kubetekwa.

Pele cindi twa betekwa, tula komwa ku Mwami, kuti tuta pegwa mulandu a inyika.

Nkikaako, bakwesu bangu, cindi mwa boola antoomwe kuzolya, amu lindilane umwi aumwi.

. . .ikuti na muntu umwi wafwa nzala, akalye ku ng'anda; kutegwa mu tabooli antoomwe ku kupegwa mulandu. Alimwi zimwi Ndi zozu bikka mu ncililano cindi Nda akusika.

⁶⁰ Ndi yanda kwaamba ceeci aa mulalilo. Lino, eco ncilebyo cipati, akati, kaambo sunu mbungano ya Katolika a mbungano ya Protestanti taikonzyi kuyutuka antoomwe, ula ciyyo eci nciconya. I Katolika ila citola mbuli pobwe lya mukamu. Elyo ula ngila, ku bweelelo bumwi, busitulaolao obo mbwa kacita, elyo ku kubamba bubambe obu, kuti uyo jatilwa ku zibi zyakwe. I muna Protestanti ula cibweza, a kupa kulumba, kuti zibi zyakwe zila jatilwa, nkaambo wa swiilila mulao.

⁶¹ Lino, cinkwa, Katolika yaamba kuti walo mubili wini. Elyo olu Ndugwalo ndoba belesya, kuzwa ku Bakorinto awa, Bakorinto Bataanzi 11.

Kati, “Jesu wakati, ‘Mubweze a kulya: oyu mubili Wangu.’”

I muna Protestanti ulati, “Wiiminina mubili.”

⁶² I Katolika ilati, “Walo mubili. Elyo, kuti, i—i mupaizi wakapegwa nguzu zya Leza kusandula kaofa mu mubili wini wa Kristo.”

⁶³ Lino, ikuti na mwalangisya, mubili wa Jesu takalina tuulwa, cindi Na kati, “Oyu mubili Wangu.” Wa katyola cinkwa a kuti, “Bweza a kulya: oyu mubili Wangu.” Mubili wakwe tii wakalina mwaika. Aboobo, Lugwalo lwabo—lwabo lwini, cintu cini ncoba belesya, kuleta kuzulwa ku njiisyo yabo beni. Mwabona? Jesu wakabweza cinkwa a kucikomona, a kucipa kuli mbabo, kati, “Oyu mubili Wangu. Bweza a kulya.” Elyo ngooyu Wa kaliimvwi awa, mu mubili Wakwe. Tii caka tyokede. Huh! Nekuba, Magwalo taka beji. Bayo lisalazya Beni ku ziindi zyoone. Aboobo, tula syoma eco.

⁶⁴ Elyo tula syoma kuti cindi twa boola antoomwe, Wa kati, “Lindila umwi aumwi.” Mu bbala limbi, “Amu lindile kuli umwi aumwi.” I bbala *lindila* lyaamba “kwalo kulindila.” “Amu lindile kuli umwi aumwi.”

⁶⁵ Lino, mbuli mbo cakali cilengwa kuli ndiswe, tula bweza Lugwalo olo mu nzila eyi. Kutu, cindi twa cita ceeci, kutu tu kotamika buyo mitwe yesu, a mbunga ikombela to beembeli. Swebo to beembeli tula kombela mbunga yesu. Eyo nje nzila mbo tu lindila kuli umwi aumwi, kwiinda ku kubelekelana umwi aumwi, kwiinda ku kukomba.

⁶⁶ Amukombe, “Leza, kojatila mweembeli wangu. Ikuti na kuli cintu cili coonse mu buumi bwakwe eco nco—nco bakacita, Amu bajatile kuli ncico. Koba jatila. Tiiba kali kuyanda kucicita.”

⁶⁷ Elyo twa jokela nkoonya, beembeli, kukombela mbunga yesu, “Leza, obu mbutanga buniini Mbo katupa kweembela. Ikuti na kuli cintu cili coonse cilubide mu buumi bwabo, ko cigwisya, Taata. Ba . . . Aboobo toonse inga twaima antoomwe koonse, kuswaangana koonse, mukuziba kutu tu boola kuno, kubamba bubambe bwa Leza, a kulya mulalilo.” Ndi yeeya kutu nciindi cibotu ca luswaanano.

⁶⁸ Atu kombe lino mbuli mbo tukotamika mitwe yesu. Cabuumuzi, amu tukombele, twa mukombela. [Mukwesu Branham wakomba cabuteteete ku tuvwalu tuli foote—Mul.] . . .? . . .

⁶⁹ Taata, mbuli mbo tulya mulalilo oyu, mbuli mbo tu ciita kutu mulalilo, cili mu kwiibaluka Nduwe. Alimwi cindi aka kawofa kaniini, kakajikwa kaguma milaka yesu akunjila mukanwa lyesu, akube kutu tu zibe kutu Wa ka cuzaulwa a kupwayaulwa,

kuzapulwa zibi zyesu. Elyo eco cisitilizyo caka Mu sisa kuzwa kuli ndiswe, lino Uli muli ndiswe, Muuya Uusalala.

⁷⁰ Elyo cindi twa tambula waini, akube kuti tumvwisye kuti kwakali kwiinda ku mibunda Yakwe eyo njo twa ponesege, kwiinda ku Bulowa Bwakwe twa kafutulwa, Buumi obo bwakali mu Bulowa.

⁷¹ Lino, Taata, kotu bunganya antoomwe ku ciindi eci cisetekene, kujatila zibi zyesu. Mu Zina lya Jesu twa cilomba. Amen.

⁷² Nda syoma lino kuti baalu, umwi wabo, uyo boola kumbele awa. Kutu, Nda syoma, eyo yakali ncito ya Mukwesu Taylor, ayalo, (embo na?) kuboola kumbele, ku kwiita mulalilo. Nda libuzya nguni unga wabweza busena obo? Mukwesu Tony, sa inga wacita ceeco? Mukwesu Zabel, awa, ula boola kunembo a kulailila, mundando a mundando, mbuli mbo tu boola kumbele, kulya mulalilo, kubweeda ku zyuuno zyesu.

⁷³ Sena mulizi kuti mulalilo ujisi kuponesege kwa Buleza muli nguwo? Cindi ba Israyeli, mu cikozyano, bakalya mulalilo, a kweenda kwa myaka ili makumi one. Elyo cindi niba kazwa mu nkanda, kwakanyina umwi uukompeme akati kabo, bantu bali mamilioni obilo acisela. Kuli nguzu zya kuponya mu mulalilo.

Bantubonse bali tambwidwe lino.

⁷⁴ Elyo mucizi wesu, ikuti na uyo boola ku piano, ula lizya lwiimbo olu:

Kuli kasensa kazwide a Bulowa,
Kazwa ku nsinga zya Imanuele,
Oko basizibi nkoba dumpukila kungsi lya
zambangulwe,
Kusweekelwa twiimba toonse twa milandu
yabo.

⁷⁵ Akube kuti zibi zyanu zijatilwe, nobana. Akube kuti luzyalu lwa Leza lube andinywe lyonse, kuciindi notuli mu lweendo olu. Akube kuti toonse tu kaswaangane ku lubazu lumbi, kukkomana a bakubusyi alubo. Amen.

⁷⁶ [I sikulizya piyaano uulizya *Kuli Kasensa Kazwide Bulowa*, kuciindi Mukwesu Branham nabamba tuntu twa mulalilo ku mupailo—Mul.]

⁷⁷ Mbuli Mbwe jatilide, sunumasiku, mu chaati eyi niini awa, ncinkwa eco ciiminina mubili wa Mwami wesu, mbuli mbo cakajikwa kuba cinkwa ca kkosha kwinda ku maanza a Banakristo. Elyo lino caboola kuli ndiswe, mbuli citondezyo ca mubili wakatyolwa wa Mwami wesu.

Atu kotamike mitwe yesu.

⁷⁸ Taata Wakujulu, oyu mulungo muyandisi, cituuzyo eci Nco katubambila, tula bona mu cinkwa eci, kupenga a kumwaya

mubili Wako. Oh, cila kwela myoyo yesu, Mwami, ku misozi, mu bubombe, cindi twa yeeya kuti Leza uyooba mu mubili wabuntu, kutegwa ali zapaula Mwini mu tubeela, ku kubamba mulungo, ku kuzulizya kululama oko kuyandikana. Elyo mpawo, ku luzyalo, kakutakwe cintu cili coonse pe, twa tambwa kuboola. Obo mbo tu Ku lumba, Taata! Kosalazya eci cinkwa, lino, ku bukanse bwaco bukanzilidwe a kaambo. Elyo kufumbwa muntu uyo cibweza, akube kuti babe a Buumi Butamani bukkala muli mbabo. Akube kuti bata nyonyooki, pele kuona Cabutamani a Leza. Kobapa nseba mbotu a nguzu zya lweendo. Twa lombu mu Zina Iya Jesu. Amen.

⁷⁹ I Bbaibbele lyakati, “Mbuli cianza, Wa kabweza kanywido, elyo cindi Na kanywa, kaamba, ‘Obu Mbulowa bwa Cizuminano Cipyu.’ Kanji mbuli mbo Unywa, utondezya lufu lwa Mwami mane Aka boole.” Nda jatilila mu janza lyangu i—i mucelo wa musaansa. Wiiminina Bulowa bwa Mwami Jesu.

⁸⁰ Kwa kaambwa, ku banji, kuti taba kabwezi waini, waini walyoonse, nkaambo kakuti wakali cakolwa, kuti cakali cakunywa caatali maanzi, elyo tebakeelede kunywa waini. Ba kali kunywa musinsa wamagrepu.

⁸¹ I kaambo nco tubweza waini nkaambo Bbaibbele lyakati, “Waini.” Busanduluzi boonse bula cipa “waini.” Kaambo kambi: waini mupati ncoulya, kabotu a kuyuma kapati. Musinza wa magirepu ulasa mu maora masyoonto. I Bulowa bwa Jesu Kristo bulainzila kubota loko akulondoka myka mbi kulaukila. Tabi sasi pe na kubija.

⁸² Taata wesu Wakujulu, Nda jatilila mu chaati eyi sunumasiku, bulowa bwa magirepu obo bwiiminina Bulowa bwa Jesu Kristo. Elyo lino, muli ceeci, mibunda Yakwe, twa kaponesegwa. Mu Bulowa Bwakwe twa kafutulwa. Elyo sikuyabila wakati:

Kuzwida ciindi Ne kabona kalonga
Zilonda Zyako zizwa kasensa,
Luyando lunununa lwa kali mwaambo wangu,
Elyo luyoooba mane Nka fwe.

⁸³ Taata Leza, oyo ngo muzeezo wesu sunumasiku, luyandisyo lwa Leza lwakatilwa cakupaya mu myoyo yesu kwinda ku Muuya Uusalala. Kosalazya waini oyu, Mwami, ku bukanse Bwawo bukanzilidwe. Elyo mbuli mbo tu kanywa, amuyeeye, wiiminina kupenga oko kuya ku Kalivari, cindii maamvwa, alunya kusabula naka tyanka zikoye Zyakwe kusikila akayasa mu lukanda, elyo Bulowa bwakazw. Cindi mukwilo wakunamyu, wa miccila ili fuka atubbila ku mamanino a cikutu, kauma kusule Lyakwe, kusikila mabambo Aakwa akatondezya mukati. Mpikili zya Roma zya kankamina ku matende Akwe a maanza Akwe. Elyo sumo lyakainda mu moyo Wakwe. Olo lwakali luyandisyo kuli ndiswe bamwi bateeleli.

⁸⁴ Cakuusa, sa twa kotamika, Mwami, kuti caka tolela Mwana wa Leza muulo uli boobo waku tunununa. Elyo mpawo nzila, mu myuuya yesu, twa nyamuna kulailila kwesu kuli Nduwe, kuti Wa tupa luzyalo lwa kusika, a kaanzambwene. Wa kati, “Kufumbwa oyo uulya mubili Wangu a kunywa Bulowa Bwangu uli jisi Buumi buteeli, nkabela Njo mubusya alubo ku buzuba bwamamanino.” Mbobuti mbo cikonzya kukakilwa kakuli cizwa ku milomo ili boobo! Tuvo buka alubo.

⁸⁵ Aboobo, Taata, sunumasiku, kuciindi no twiimvwi awa nseba mbotu, mbuli mbo tuzi, a ku luzyalo Lwako, tuli bayumu abanseba mbotu, akuyeeya kabotu, twa boola kubweza eci, kutondezya kuli Nduwe, tula syoma mu lufu, kuzikkwa a bubuke bwa Mwami wesu. Tula Mu zumina mbuli Mufutuli wesu. Tula Mu syoma mbuli Leza wesu a Mwaami.

⁸⁶ Kosalazywa waini oyu, lino, ku bukanze bwawo bukanzilidwe. Elyo muntu aumwi uucibweza, akube kuti atambule luzyalo lwa Buleza, Muuya Uusalala, nseba mbotu a nguzu, kubelekela Leza mu mwaakwe wabo wa buumi. Kwiinda mu Zina lya Jesu Kristo. Amenii.

⁸⁷ [I sikulizya piyaano uulizya *Kuli Kasensa Kazwide Bulowa*. Kabeela katakwecintu aa teepu—Mul.]

Yebo Kabelele wa Kalivari,
Mufutuli Sibuleza;
Lino kondimvwa kuciindi Ne paila,
Gwisya zibi zyangu zyoonse,
O ndilekele kuzwa buzuba obuno
Kuba Wako cakumaninina!

⁸⁸ Mu kubala kwa Lugwalo, mu Bbuku lya Musalali Johane, i cipati 13, tula bala, kotalikila kampango ka 2 ika cipati 13:

...cilalilo nicakamana, dyabulosi lino waka bikkwa mu moyo wa Judasi Iskarioti, mwana wa Simooni, kuti amwaabe;

Jesu mukuziba...Taata wakapa zintu zyoonse mu maanza akwe,...kuti wa...kazwa kwa Leza, alimwi wa kaunka kuli Leza;

Wa kabuka kuzwa ku cilalilo,...kabikka ambali zikobela zyakwe;...kabweza cisansamuzyo, a kulyaanga mwini.

Kumane...wa katila maanzi mu udisi, a kotalika kisanzya matende aa basikwiyya, a kuba sansamuna a cisansamuzyo nca kalyaangide.

Mpawo waboola kuli Simoni Petro: elyo Petro wakati kuli nguwe, Mwami, sa ula sanzya matende aangu?

Jesu wakavuwa a ku mwaambila kuti, Eco Nce cita lino tocizyi...; pele uyo ziba kuzwida awa.

Petro wakati kuli nguwe, Yebo toko sanzyi matende aangu. Jesu waka muwiiila, Ikuti na Nda kusanzya, yebo to jisi cibeela a ndime.

Simooni Petro wakati kuli nguwe, Mwami, kutali biyo matende angu, pele al- . . . pele alo maanza angu a mutwe wangu.

Jesu wakati kuli nguwe, Oyo waka sanzigwa tayandiki . . . cita kusanzya matende akwe, pele mula salala koonse: . . . mula salala, pele kutali nyoonse.

Nkambo wa kalizi oyo wakeelede ku mwaaba; aboobo wa kati, tamu salali nyoonse.

Aboobo nakamana kusanzya matende abo, a kubweza cikobela cakwe, elyo naka kkala alubo, wa kabaambila kuti, Mulizi na eco Nce mucitila?

Mu undiita kuti Simalela a Mwami: nkabela mwa amba kabotu; nkambo obo Mbwe bede.

Ikuti na Mebo mpawo, Mwami a Simalela wanu, ndasanzya matende anu; a nywebo mweelede kusanzyanya matende amwi aumwi.

Nkambo Nda mupa mukozyanyo, kuti mweelede kucita mbuli Mbwe mu citila.

⁸⁹ Ndi yeeya kuti ncimwi ca tumpango tubotu kwiinda. “Nda mupa mukozyanyo, kuti mweelede kucita mbuli Mbwe kamucitila.” Twe elede kucita kuli umwi aumwi, mu ciibaluko, eci. Cakali cilengwa ca mbungano, oku kubungana kwa nkamu ya bantu, kuzwa ni twaka talika. Elyo cikombelo eci kacitana sola kuyakwa, cindi nitwa kacili mu miswaangano ya mipailo ya buntonge, twa kabeleka kusanzyanya matende. Bacizi besu balaunka ku kaanda kusule. Bakwesu besu balaunka ku kaanda ku lulyo. Elyo tu bamba kusanzyanya matende. Beenzu, ikuti na uli andiswe, sunumasiku, tuli kkomene buyo kuba a ndinywe kuba a luswaanano mu mbeta ezi zya Leza.

⁹⁰ Inga ndapandulula, mbuli mbo Nda amba kaindi kaniini kainda, cintu eco Leza nca katusiila kucita. Lubbizyo lwa maanzi, caano comwe; mulalilo. Elyo, amuyeeye, abo bobilo biyo. Leza ula londolwa mu botatwe. Kusanzyanya matende nkwatatu. Mwabona? Elyo tula yeeya eco, myaka yakacilila, akwalo mu Bbaibbele.

⁹¹ Bantu bamwi basola kwaamba kuti tacyandiki. Nincobeni, Nse kanzi kwaamba kuti matende a bantu ala yandikana kusanzya. Eco tacili ncico. Ndiza yabo tii yakacita ayalo. Pele wakali mucito wa bubombe. Walo ii—walo mucito wa—wa kucita, nciyandisi buyo mbuli lubbizyo lwa maanzi. Nkaambo Wa kaamba awa, kuti, “Nda mupa mukozyanyo, kuti mweelede kucita kuli umwi aumwi mbuli Mbwe kamucitila.”

⁹² Elyo tu jana kuti mukamufu taka konzya kuletwa akati ka bantu citakuti waa kasama beenzu alimwi waka sanzya matende aa basalali, kulitondezya tobeni kuba mubombe.

⁹³ Kutu, ikuti na kufumbwa cintu nco tu yanda kuba, nku libombya, nkaambo ayo maseseke ku nguzu, nkwiinda mu bubombe. Elyo muli kkomene lyoonse, cindi mwazwa ku zintu ezi, zya kucicita, malailile alelekedwe ku luswaanano ndu tucita okuno ku mbungano.

⁹⁴ Elyo lino Ndi yanda kwaambilizya, lino, kuti Munsondo mutobela masiku kuyooba kuswaangana okuno. Cindi Ne njila, kutuminwa kumwi kusika, bantu bamwi baboola kukombelwa, kuzwa kutala ku Toronto, Canada, kuba kookuno masika a Munsondo mutobela.

⁹⁵ Ndi jisi kutuula kwa mbungano ya Mukwesu L. G. Hoover. Kuli aa bboodi lya kuzibya—kuzibya twaambo. Munsondo mutobela, aa ileveni okuloko, kuli Elizabethtown, Kentucky.

⁹⁶ Mpawo kujoka kuno ku kutobela, masiku aya atobela aa Munsondo. Elyo mpawo tuunka ku Shreveport, kuzwa kuya.

⁹⁷ Elyo tuli kkomene kuba a ndinywe nyoonse antomwe a ndiswe mu buzuba boonse. Elyo ziindi cindi twa . . . Cindi, ikuti na nkomuli okuno, mu dolopo, kuli koonse muni, amuzwe. Tu yanda kulibunga a kulibunganya tobeni. Tu yanda kukkala kungsi lya kuyiisya kwa mukwesu wesu awa, Mukwesu Neville, a—a kulya zintu zya Leza. Mbuli mbwa zijana kuzwa kuli Leza, ula zivozya. Elyo—elyo tu yanda kwiiya kwa Leza. “Elyo kubona Buzuba kabuswena, twe elede kulibunga tobeni kunji antoomwe.” Twe elede kuyanda, mu myoyo yesu, kuboola ku mbungano. Ikuti na ta tuyandi mbungano, kuyanda Leza . . . Kuboola antoomwe, eco nco twiita kuti mbungano, iboola antoomwe kuzo komba. Mwabona? Ikuti na tula muyanda Kristo, tula komba alubo.

⁹⁸ Mwa yeeyela muntu waamba kuti ula muyanda mukaintu wakwe, nkabela tana kumubona kwa ciindi cilamfu, kwiindilila ncobeni a kwaamba, “Ee, Ndiyo mubona ciindi cimwi cimbi?” Mwabona? Eco tacili ncico. Na, mukaintu waamba kuti ula muyanda mulumi wakwe, na bazyali baamba kuti bala muyanda mwana wabo, ee, cila—cila tondezya. Mwabona?

⁹⁹ Elyo Ndi yeeya kuti kutondezegwa kwesu, kuti tweelede kuzumanana kusukamina kuba mu kukomba, kuli koonse, ku komba Mwami, cindi twa boola antoomwe kuzo Mu komba. Ku Mu komba ku muunzi. Ku Mu komba kuciindi notu enzya myootokala yesu. Kufumbwa nko tubede, kukomba Mwami, amu kombe buyo.

¹⁰⁰ I Bbaibbele lyakati, “Amuleke zintuzyonse zijisi kuyoya zilumbaizye Mwami.” Elyo mpawo wa kati, “Amulumbaizye Mwami.” Nekubakuti tamu jisi kuyoya kuli koonse, kocilumbaizya Mwami. Mwabona? Alumbwe! “Zintuzyonse

zijisi kuyoya, alumbwe Mwami.” Elyo, mpawo, “Amulumbaizye Mwami.” Nda yeeya, Ntembauzyo 100, 100thi ya Ntembauzyo.

¹⁰¹ Lino, Mwami amu longeze. Elyo mbuli mbo twiimba lino, alubo, bakwesu bayo unka ku kaanda *aka*, a bacizi ku kaanda *ako*, ku kusanzya kwa matende, mbuli mbo twiimvwi eno ku kumwaika.

¹⁰² Elyo nywebo nomweelede kuunka, baa, nywebo—nywebo mwa mwa mwaisigwa mu kaindi kaniini. Pele, mpawo, tuyo mutamba cakukkomana ku kuswaangana kumwi nko tu jisi. Boola, nkabela tuya kusola kukucila cibotu loko eco nco tuzyi, kukweenzya buntu bwako ku cituta ca Jesu Kristo.

Ko tolelela Zina Iya Jesu,
Mwana wa buusu a mapenzi;
Liy kupa lutangalo a luumbulizyo,
Oh, ko Li bweza, koonse nkoya.

Liyandisi . . .

Lino amucenguluke a kusukana maanza, umwi aumwi.

. . . O mbolili bbotu!

Bulangizi bwa nyika a lutangalo . . . (. . . ? . . .)

. . . bbotu!

Bulangizi bwa nyika a lutangalo lwaku Julu.

Lino, mbuli mbo tukotamika mitwe yesu, twaimba.

Ko tolelela Zina Iya Jesu,
Mbuli ntoho kuzwa ku tooze toonse;
Cindi masunko aku bungilila,
Koamba kuti . . . (. . . ? . . .)

Liyandisi . . . (Zina liyandisi!) (O mbolili
bbotu!)

Bulangizi bwa nyika a lutangalo lwaku Julu;

Zina liyandisi, O mbolili bbotu!

Bulangizi bwa nyika . . . (Uyo mubuzya, ku
tumwaisya mu mupailo) . . . wa Julu.

¹⁰³ Lino, mbuli mbo tukotamika mitwe yesu, cabubombe, tuyo lomba Mukwesu wesu McKinney awa ku tumwaisya mu ijwi Iya mupailo. Elyo kwamana buyo, nywebo nomweelede kuunka, inga mwazwa. I bamwi bayo bungana mu twaanda. Leza amu longeze.

Mukwesu McKinney. 

62-1104E Kunanikwa
Branham Tabernacle
Jeffersonville, Indiana U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org